

Ақсай қаласының жасыл желектерін күтіп ұстау мен қорғау Ережесін бекіту туралы

Күшін жойған

Батыс Қазақстан облысы Бөрлі аудандық мәслихаттың 2008 жылғы 11 маусымдағы № 12-2 шешімі. Батыс Қазақстан облысы Бөрлі ауданы әділет басқармасында 2009 жылғы 22 маусымда № 7-3-81 тіркелді. Күші жойылды - Батыс Қазақстан облысы Бөрлі аудандық мәслихаттың 2012 жылғы 18 шілдедегі № 5-9 шешімімен.

Ескерту. Күші жойылды - Батыс Қазақстан облысы Бөрлі аудандық мәслихаттың 2012.07.18 № 5-9 Шешімімен

Ескерту. Атауында және шешімнің мәтінінде "Қағида", "қағидасы", "қағиданың", "қағиданы", "қағидамен" деген сөздер "Ереже", "ережесі", "ереженің", "ережені", "ережемен" деген сөздермен өзгертілді - аудандық мәслихаттың 2010.01.29 № 17-4 (алғаш ресми жарияланғаннан кейін күнтізбелік он күн өткен соң қолданысқа енгізіледі) Шешімімен.

Қазақстан Республикасының "Әкімшілік құқық бұзушылық туралы" Кодексіне, Қазақстан Республикасының "Қазақстан Республикасындағы жергілікті мемлекеттік басқару және өзін-өзі басқару туралы" Заңына сәйкес Бөрлі аудандық мәслихаты **ШЕШІМ ЕТТІ:**

1. Қоса беріліп отырған Ақсай қаласының жасыл желектерін күтіп ұстау мен қорғау Ережесі бекітілсін.

2. Осы шешім алғаш ресми жарияланғаннан кейін күнтізбелік он күн өткен соң қолданысқа енгізіледі.

Сессия төрағасы

Аудандық мәслихат хатшысы

А. Агаев

И. Измағамбетов

Бөрлі аудандық мәслихатының
2009 жылғы 11 маусымдағы
№ 12-2 шешімімен бекітілген

Ақсай қаласының жасыл желектерін күтіп ұстау мен қорғау Ережесі

Осы "Ақсай қаласының жасыл желектерін күтіп ұстау мен қорғау Ережесі" (әрі қарай - Ереже), Қазақстан Республикасының "Әкімшілік құқық бұзушылық туралы" Кодексіне, "Қазақстан Республикасындағы жергілікті мемлекеттік басқару және өзін-өзі басқару туралы" Заңына сәйкес жасалған. Ереже Ақсай

қаласының жасыл желектерін күтіп ұстау мен қорғау саласындағы қатынастарды реттейді және белгілейді, барлық заңды және жеке тұлғалардың меншік нысандарына қарамастан орындалуына міндетті болып табылады.

Ақсай қаласының аумағындағы жасыл желектерді күтіп ұстау мен қорғау бойынша жұмыстарды ұйымдастырып үйлестіруді аудан әкімдігінің лауазымды тұлғалары, қаланы көгалдандырумен айналысатын уәкілетті басқару органдары, мекеме, кәсіпорын жетекшілері жүзеге асырады.

1. Жалпы ережелер

1. Осы Ереже мынадай негізгі терминдер мен анықтамалар пайдаланылады:

1) дендрологиялық жоспар (дендрожоспар) - көкжелектердің, алаңқайлардың, жолдардың, су айдындарының ашық учаскелерімен үйлесімде өсіп тұрған жасыл желектердің және отырғызуға жоспарланған ағаш-бұтақ өсімдіктерінің түрлік және сандық құрамы көрсетілген қала аудандарының шегінде жасыл желектерді отырғызу жоспары;

2) жасыл желектерді қорғау - жасыл желектерді, көгалдандырылған аумақтар мен жасыл алқаптарды жасауға, сақтау мен түлетуге (оның ішінде жойылған немесе зақымдалған жасыл желектерді өтемдік қалпына келтіруге) бағытталған құқықтық, әкімшілік, ұйымдық және экономикалық шаралар жүйесі;

3) жасыл желектер – азаматтық заңнамаға сәйкес жылжымайтын мүлік болып табылатын және қаланың бірыңғай жасыл қорын құрайтын табиғи өскен және жасанды егілген ағаш бұтақты және шөпті өсімдік;

4) жасыл алқап - түрлік құрамына қарамастан кемінде 0,125 га кем емес аумақтағы 50 дана ағашы бар көгалдандырылған аумақ;

5) жалпы пайдаланылатын жерлер - алаңдар, көшелер, жаяу жолдар, өтетін жерлер, жолдар, жағалаулар, саябақтар, бульварлар және қала мұқтажын қанағаттандыру мақсатындағы өзге де нысандар үшін алынған және арналған жерлер;

6) жасыл желектерді қырку - жасыл желектерге белгілі бір әсемдік беру үшін бұталарды кесу;

7) көгалдандырылған аумақ - жасыл желектер орналастырылған жер учаскесі;

8) жасыл желектерді күтіп ұстау мен қорғау Ережесін бұзғандығы үшін жауапкершілік - Қазақстан Республикасының қолданыстағы заңнамасына сәйкес заңды және жеке тұлғаларға әкімшілік және экономикалық шараларды қолдану;

9) жасыл желектерді зақымдау - ағаш-бұтақ өсімдіктерінің, тамырына, діңіне, бұтақтарына, шөпті өсімдіктердің жер үсті бөлігі мен тамыр жүйесіне өсімін

тоқтатуға алып келмейтін залал келтіру. Тамыр жүйесінің механикалық зақымдануы, тамыр қыртыс тұтастығының, топырақ үсті жамылғысы тұтастығының бұзылуы және залалдың өзге де түрі зақымдау болып табылады;

10) Ақсай қаласы жасыл желектерінің тізбесі – Ақсай қаласының аумағындағы жасыл желектердің түрі, түрлік құрамы, саны туралы мәліметтер жиыны;

11) санитарлық кесу - шіріген, зақымдалған, қураған, құрғақ бұтақтарды кесу;

12) жасыл желектердің мәні - жасыл желектерді, көгалдандырылған аумақ пен жасыл алқаптарды сақтауға және жасауға бағытталған жұмыстардың агротехникалық, шаруашылық шараларының жүйесі;

13) мамандандырылған ұйым - жасыл желектерді жасап, оған күтім көрсететін өзінің штатында осы саланың маманы, жұмысшылары бар, арнайы техникалармен жабдықталған (автокөтергіш, су таситын, тракторлар немесе автокөліктер негізіндегі бұрғылау қондырғы, жүк тиейтін техникалар, жүк автокөліктері) кәсіпорын;

14) орманды (кеспеағашты) мөлшерлеу - орман ресурстарының, соның ішінде кесу көзделетін екпе ағаштардың сапалық және сандық сипаттамаларын анықтау, есепке алу, бағалау жөніндегі іс-шаралар;

15) жасыл желектерді жою - өсуін тоқтатқан жасыл өсімдіктерді бұзу;

16) уәкілетті орган - жасыл желекті күтіп ұстау мен қорғау жөніндегі жұмыстарды ұйымдастыру үшін аудан әкімдігінің қаулысымен бекітілетін орган.

2. Жасыл желектерді күтіп ұстау мен қорғаудың басты ережелері

2. Ақсай қаласының барлық жасыл желектері, жеке үй құрылыстары мен саяжайларда өсіп тұрған жасыл желектерді қоспағанда, қол сұғылмайтын қалалық жасыл қорды құрайды.

3. Жасыл желектерді сақтау мен қорғау жөніндегі шаралар кешенін азаматтар, лауазымды және заңды тұлғалар меншік нысанына қарамастан жүзеге асырады.

4. Жобалық, құрылыс және шаруашылық қызмет Қазақстан Республикасының заңнамасына және осы Ережедегі белгіленген жасыл желектерді қорғау жөніндегі талаптарды сақтай отырып, жүзеге асырылады. Құрылыс, шаруашылық және өзге қызметтерді ұйымдастыруға арналған жоба алдындағы және жобалық құжаттамада топографиялық түсірілімге енгізілген жасыл желектердің күйі туралы толық және шынайы мәліметтер болуға тиіс.

5. Белгіленген тәртіппен келісілген елді мекенді дамытудың бас жоспарымен салыну көзделген учаскелерді қоспағанда, қала аумағының шегінде орналасқан

жасыл алқаптар (саябақтар, тынымбақтар, аллеялар, т.с.с.) құрылыс жүргізуге жатпайды.

6. Жалпы пайдаланылатын жерлердегі көгалдандырылған аумақтарды дамыту уәкілетті органдардың келісімімен сәулет және қала құрылысы органдары қорытындысының негізінде қаланы көгалдандырудың ұзақ мерзімді кешенді сызбасына сәйкес жүргізіледі.

3. Жасыл желектерді күтіп ұстау мен қорғау бойынша уәкілетті органның құзыреті

7. Жасыл желектерді күтіп ұстау мен қорғау бойынша уәкілетті органның құзырына енеді:

1) Ақсай қаласының аумағында жасыл желектерді санитарлық кесуге, түрлі үлгілерде қысқартуға, қайта отырғызуға, бұзуға немесе бұзбауға рұқсат ету және ресімдеу (2, 3 қосымша);

2) жасыл желектерді күту, ұстау, қалпына келтіру бойынша шараларды орындау үшін бақылау;

3) Қазақстан Республикасының қолданыстағы белгіленген заңнамалары шегіндегі өкілеттілікпен мемлекеттік бақылау функциясын жүзеге асырады.

4. Жасыл желектерді есепке алу, қорғау және күтіп ұстау

8. Ақсай қаласында жасыл желектерді есепке алу тізілімге енгізіліп есепке алынатын нысан шекарасында орналасқан жасыл желектерді техникалық түгендеу арқылы жүргізіледі (4 қосымша).

9. Есепке жасыл желектердің барлық түрлері алынады: ағаштар, талдар, гүлзарлар. Жасыл желектерге түгендеу жүргізу тендерлік негізде мамандандырылған ұйымдармен, санитарлық жағдайды және санаттары деңгейін (тұрақтылық сатысы) ескере отырып жүргізіледі.

10. Жасыл желектердің есебін бейнелейтін құжат - жасыл желектердің тізімдемесі және Ақсай қаласының дендрожоспары болып табылады, ол 10 жыл ішінде 1 рет жаңартылады.

11. Ақсай қаласының жасыл желектерінің есебі мына мақсаттарда жүргізіледі :

Ақсай қаласында жасыл желектердің саны мен сапасы және жәй-күйі туралы шынайы мәліметтерді алу және есебін жүргізу;

қаланың аумағындағы жасыл желектерді қорғау, сақтау және көгалдандырылған аумақтарды дамыту саласындағы қала саясатының негізгі бағыттарын анықтау;

халықты, билік пен басқару органдарын қаладағы жасыл желектердің саны мен жағдайы туралы шынайы ақпаратпен қамтамасыз ету.

12. Жасыл желектер тізілімін жүргізуді ұйымдастыру жұмыстары табиғат қорғау қаражаты есебінен жүргізіледі.

13. Жасыл желектерді көгалдандырылған аумақтарды жалға алған және меншік иеліктері, жеке және заңды тұлғалар міндетті:

1) аумағына жататын жер учаскелеріне, өз учаскелеріне жасыл желектерді қорғап және күтіп ұстауды қамтамасыз етуге;

2) белгіленген үлгі бойынша жасыл желектерді түгендеу материалдарында өзгерістер туралы (бұзу, қайта ретке келтіру, қайта отырғызу, отырғызу) ақпараттарды, жасыл желектердің жетекші тізілімін, жасыл желектер бойынша уәкілетті органға жыл сайын жіберіп отыру;

3) Ақсай қаласының жасыл желектерін қорғау бойынша уәкілетті органның нұсқаулық-әдістемелік нұсқауларға сәйкес гүлзарларды шабу зиянкестер мен аурулар, арамшөптермен күрес, соның ішінде гүлзарлармен ағаш және шіліктерді суару, бүкіл кешенді агротехникалық шараларды әрдайым жүргізіп тұру;

4) өз есебінен санитарлық-гигиеналық, экологиялық, қалақұрылысы нормаларына сәйкес жасалған, дендрологиялық жоба бойынша бекітілген аумақтық жасыл желектердің ағымдағы жөндеуі мен көгалдандыруын жүргізу;

5) жасыл желектерді бұзу (қайта отырғызу) осы Ережеде көрсетілген тәртіпте ресімделсін;

6) ағаштарды жасартуға әсері бар, ағаш-шілікті өсімдіктерді кесу жүргізілсін;

7) бақылау аумағында (радиусы 1 метр) тоқ сымдары өтетін, және көше көрсеткіштерін жауып тұратын, үй нөмірлерін көрсетпейтін бұтақтарды кесу өз уақытында жүргізілсін. Бұталарды кесу кесте бойынша электр желілерінің иелері келісімімен, олардың бақылауы бойынша техника қауіпсіздігінің ережесін сақтай отырып атқарылсын;

8) сынған ағаштармен шіліктерді алып тастау, аумақтың санитарлық тазалауы өткізіліп отырсын;

9) саябақтарға, бақтарға, тынымбақтарға, алаңдарға барғандар жасыл желектерді қорғау бойынша талаптарды сақтаулары міндетті;

10) жер учаскелерін жалға беру, сатып алу, беру, сыйға беруде жасыл желектермен бірге кететін жағдайда, басқа да жер айналымдарында көрсетілген жер заңдылықтарына орай, жаңа жер иелеріне, жалға алушыларға жасыл желектерді сақтау және қорғау талаптары, міндеттері мен құқықтары бірге өтеді.

14. Жалпы пайдаланылатын жерлерде жүргізілетін жасыл желектерді күту мен қорғау жұмыстарын арнайы ұйымдар тендерлік негізде жүргізеді.

Мамандандырылған ұйымдар ағаш-шілікті өсімдіктерді жою, отырғызу, қайта отырғызу, санитарлық, түрлі үлгілерде кесу жұмыстарын тек қана уәкілетті

органның жазбаша рұқсатымен, санитарлық-гигиеналық, экологиялық қала құрылысы нормаларын сақтай отырып жүргізіледі.

15. Уәкілетті органның рұқсатына сәйкес жүргізілген өтемдік қалпына келтіру жер учаскесінің сол аумағында үш есе көлемде биіктігі кемінде 2 метр жапырақ тұқымдас, ал қылған жапырақтылар үшін кемінде 2 метр көшеттер отырғызу жолымен жүргізіледі. Отырғызу үшін бос алаң болмаған жағдайда уәкілетті орган жасыл желектің қалпына келтіру құнына есеп жүргізеді; оның бір есе көлеміндегі төлемін заңды және жеке тұлғалар жергілікті бюджетке төлейді.

16. Рұқсатсыз кесу жүргізілген өтемдік қалпына келтіру жер учаскесінің сол аумағында он есе көлемде биіктігі кемінде 2 метр жапырақ тұқымдас, ал қалған жапырақтылар үшін кемінде 2 метр көшеттер отырғызу жолымен жүргізіледі немесе жасыл желектің қалпына келтіру құны анықталады, оның он есе көлемінде төлемін заңды және жеке тұлғалар жергілікті бюджетке төлейді. Жергілікті бюджетке аударылатын жасыл желектің қалпына келтіру құнының мөлшері аудан әкімдігімен бекітіледі.

17. Жасыл желектерді қалпына келтіру мүдделеріне орай кесу жүргізілген заңды және жеке тұлғалардың қаражаты есебінен жүргізіледі.

18. Жасыл желектерді өтемдік қалпына келтіруді заңды және жеке тұлғалар өз бетінше немесе шарт бойынша арнайы ұйымдар оларды одан әрі күтудің міндетті шарттарын сақтай отырып жүргізе алады.

19. Кінәлі адамды анықтау мүмкін емес жағдайда жасыл желектің табиғи өлуі, жойылуы, заңсыз кесілу дерегі бойынша жасыл желекті қалпына келтіру қала бюджеті есебінен жүргізіледі.

20. Отырғызылған жасыл желек солған жағдайда мүддесіне орай кесу жүргізілген тұлғалар жасыл желекті қайта отырғызады және оның одан әрі күтілуін қамтамасыз етеді.

5. Жасыл желектерді кесу және қайта отырғызу

21. Жасыл желекті кесу, қайта отырғызу (қысқы тыныштық күйінде) осы Ережеде белгіленген тәртіппен ресімделеді, жер пайдалану немесе учаскені жалдау құқығын анықтайтын құжаттарды көрсету бойынша уәкілетті органның ресми рұқсатымен ғана жүргізіледі.

Көгалдандырылған аумақтың жалға алушылары, жалпы пайдаланылатын жерлерде иеліктері, пайдаланушылары, азаматтармен заңды тұлғалардың өтініші бойынша Ақсай қаласының жасыл желектерді қу ағаштар мен шіліктердің есебі мен таңбалау жұмыстарын жүргізеді.

22. Ереженің күші азаматтардың жеке үй құрылысы үшін пайдаланатын аумақ пен саяжай учаскелеріне қолданылмайды. Жасыл желектерді кесу мен

қайта отырғызу рұқсатты ресімдеусіз жалпы табиғат пайдалану тәртібімен олардың өз ұйғарымдары бойынша жүргізіледі.

23. Жалпы пайдаланатын жерлерде ағаштар мен бұталарды кесуді уәкілетті органның міндетті рұқсатты ресімдеуімен тендерлік негізде арнайы ұйымдар жүргізеді.

24. Мемлекеттік бюджеттен қаржыландырылатын қала құрылысы жұмысы жүргізілген кезде, жасыл желекті қалпына келтіру бюджет қаражаты есебінен жүргізіледі.

25. Төтенше және апатты жағдайларда ағаштың құлауы адамдардың өмірі мен денсаулығына қауіп туғызатын, ғимараттар мен құрылыстың, коммуникациялардың зақымдалуына, жол қозғалысы қауіпсіздігінің бұзылуына алып келетін жайттарда аталған жасыл желектерді кесу шұғыл ретте жүргізіліп, артынша уәкілетті органға хабарланады. Кесу дерегі куәландыру актісімен айғақталады, уәкілетті орган жұмыс басталған сәттен бастап 72 сағат ішінде жасалады (1 қосымша).

26. Кесілген жасыл желек пен кесілген қалдықтарды жұмыс жүргізілген жерде жинау мен сақтауға тыйым салынады. Кесілген қалдықтарды үю, буып-түю және тасымалдау бойынша барлық жұмыстар техника қауіпсіздігі талаптарына сәйкес жүргізілуі тиіс.

27. Жасыл желектерді отырғызу бойынша жұмыс жүргізілгеннен кейін тапсырысшы олардың одан әрі күтілуін қамтамасыз етуге міндетті.

28. Ұсақ жапырақты қарағаш пен ірі жапырақты үйеңкінің орнын басатын ағаштарды егуге тыйым салынады, соның ішінде егер көрсетілген ағаш тұқымдас екпе ағаштар кесуге жататын болса, олардың орнына арзан бальзамикалық терек пен шаған отырғызу ұсынылсын.

29. Ұсақ жапырақты (қарағашты) қарағаштардың "өздігімен" шығуын болдырмау мақсатында тек "тірі" қоршау немесе үнемі сәндік түр беру үшін егуге рұқсат етіледі.

30. Жасыл желекті кесуге, қайта отырғызуға рұқсатты ресімдеу үшін мынадай құжаттар тапсырылуы тиіс:

Занды тұлғалар үшін: уәкілетті орган басшысының атына өтініш;
жергілікті атқарушы орган шешімінің көшірмесі (нысандар мен жеке тұрғын-үй құрылысын салу үшін жер учаскесін бөлген кезде);

жердің заңдық құжаттамасының көшірмесі;
мемлекеттік экологиялық сараптама қорытындысы (салынып жатқан және жаңартылатын нысандар үшін);

қайта салынған нысандар үшін Ақсай қаласы сәулет және қала құрылысы бөлімінің сәулеттік-жоспарламалық техникалық тапсырмасы бойынша қорытындысы.

Жеке тұлғалар үшін:

уәкілетті орган басшысының атына өтініш;

жер – заңдылық құжаттардың көшірмесі.

31. Осы Ережемен көгалдандырылған аумақтарда тыйым салынады:

1) жасыл желектерді зақымдауға немесе жоюға;

2) от жағуға, түскен жапырақтармен кепкен шөптерді өртеуге;

3) тұрмыстық және өнеркәсіп қалдықтарымен, лас сулармен ластауға;

4) ағаштан шырын өндіруге, жазулар, оюлар салуға, ағаштарға жарнама, хабарландыру, нөмірлік белгілер, әртүрлі көрсеткіштерді орналастыруға және ағашқа ілмек пен шеге қағуға;

5) автокөлік құралдарының, құрылыс және өзге техниканың, осы аумақты пайдалануға және жасыл желекті күтуге байланысты техниканы қоспағанда, өтуі мен тұруына;

6) автокөлік құралдарын жууға;

7) гүлзарларға автокөлік құралдарын қоюға;

8) мал жаюға;

9) қараусыз малдарға қала аумағында (көшелерде, алаңдарда, саябақтарда, тынымбақтарда) жасыл желектерді жою, бүлдіру, таптау;

10) әр түрлі жүктерді, соның ішінде құрылыс материалдарын үюге;

11) ағаштар мен бұталардың сақталуын қамтамасыз ететін шараларды сақтамай, жасыл желектер алып жатқан учаскелерге төбеден қар түсіруге;

12) жасыл желектерге зиян келтіретін басқа да әсер-әрекеттерді болдырмау.

6. Жасыл желектерді күтіп ұстау мен қорғау саласындағы құқық бұзушылық үшін әкімшілік жауапкершілік

32. Жеке, лауазымды және заңды тұлғалар осы Ережені бұзғанда, Қазақстан Республикасының қолданыстағы "Әкімшілік құқық бұзушылық туралы" Кодексіне сәйкес жауапкершілікке тартылады.

Ақсай қаласының жасыл желектерін
күтіп ұстау мен қорғау Ережесіне
1 қосымша

Жасыл желектерді зерттеу АКТІСІ

" ____ " _____ 200__ ж.

Көше _____ аудан

_____ Ақсай қаласы

Біз төменде қол қоюшы _____ (лауазымды адам)

_____ уәкілетті

органның (қызметі аты, жөні) _____

_____ органның атауы

_____ және тапсырыс берушінің уәкілі зерттеу жүргіздік _____

_____ жасыл

_____ желекке жататын

Нәтижесінде белгіленді:

	Жасыл желектерінің тұқымдық құрамы	Жоюға	Қайта отырғызу	Сақталады	Сапалық		
		саны	саны	саны	жақсы	қанағат	нашар
1							
2							
3							
4							
5							
6							
7							
8							
9							
10							

Осы акт _____ парақ жасалды.

Ескерту: Зерттеу актісі жасыл желекті жоюға немесе қайта отырғызуға құқық беретін құжат емес.

Тапсырыс берушінің өкілі, алдым _____
(аты, жөні)

Ақсай қаласының жасыл желектерін
күтіп ұстау мен қорғау Ережесіне
2 қосымша

Жасыл желектерді қайта отырғызу, кесуге РҰҚСАТ етіледі

1. Кәсіпорынның атауы (СТН) (тапсырыс беруші).
2. Кәсіпорын жетекшісі (аты, жөні) (тапсырыс беруші).
3. Сұрайтын учаскенің мақсаты.
4. Тұрған орны.
5. Шаралар өткізу үшін негіздеме.
6. Жер учаскесінің меншік түрі (нөмірі, күні).

7. Уәкілетті органның жасыл желекті зерттеу актісі.
8. Ағашты, шілікті желектердің нақты жағдайы (сапалық, сандық).
9. Ақсай қаласының жасыл қорын өтемді қалпына келтіру бойынша (кепілдік хат) міндеттеме.

ҚОРЫТЫНДЫ

Уәкілетті орган (толық атауы) зерттеу актісіне сәйкес, жасыл желектердің жағдайын ескере отырып жоғарыда көрсетілген ағаштарды жоюға келіседі, осыған орай бірінші жетекшіге мынадай талаптар орындауға алдын ала беріледі:

Жасыл желектерді өтемді қалпына келтіру бойынша шаралар жер асты және аспандағы коммуникацияларды қорғау ережелері мен нормаларын сақтай отырып жүргізу қажет.

Жасыл желектерді сақтау және қорғау бойынша кешенді шаралар толық жүргізілсін.

Қосымша: _____

Ескерту: _____

Уәкілетті орган жетекшісі (аты жөні)

Ақсай қаласының жасыл желектерін
күтіп ұстау мен қорғау Ережесіне
3 қосымша

Жасыл желектерді санитарлық кесу, қырқу, түптерін тазалауға РҰҚСАТ ЕТІЛЕДІ

1. Кәсіпорынның атауы (СТН) (тапсырыс беруші).
2. Кәсіпорын жетекшісі (аты, жөні) (тапсырыс беруші).
3. Сұрайтын учаскесінің мақсаты.
4. Тұрған орны.
5. Шаралар өткізуге негіздеме.
6. Жер учаскесінің меншік түрі (нөмірі, күні).
7. Уәкілетті органның жасыл желекті зерттеу актісі.

ҚОРЫТЫНДЫ

Уәкілетті орган (толық атауы) зерттеу актісіне сәйкес, жасыл желектердің жағдайын ескере отырып жоғарыда көрсетілген ағаштарды санитарлық кесу, крониловкалау, түптерін тазалауға келіседі, осыған орай бірінші жетекшіге мынадай талаптар орындауға алдын ала беріледі:

Парктүріндегі барлық өсімдік-тері	Табиғи және аралас ағаштар	Түрлері	Табиғи тастақтар, аралықтар
20	21	22	23

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК